



ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆ

Ք Ա Ր Ո Ջ

ԽՈՍՎԱԾ ՍՈՒՐԲ ԷԶՄԻԱԾՆԻ ՄԱՅՐ ՏԱԾԱՐՈՒՄ,
«ՏՕՆ ԿԱԹՈՒՂԻԿԷ Ս. ԷԶՄԻԱԾՆԻ» ԱՌԹԻՎ

(Կիրակի, 5 հունիս 1988 թ.)

«Յանուն Հօր եւ Որդոյ եւ Հոգւոյն Սրբոյ.
ամէն»:

«Եկայք շինեցուք սուրբ զխորանն լուսոյ,
քանզի ի սմա ծագեաց մեզ լոյս ի Հայաս-
տան աշխարհի» (շարական):

«Եկեք կառուցենք սուրբ խորանը լուսի,
որովհետեւ այստեղ ծագեց մեզ լույսը Հա-
յաստան աշխարհում»:

Սիրելի հավատացյալ եղբայրներ և քույ-
րեր,

Հայաստանյայց Եկեղեցին անցյալ շա-
բաթվա ընթացքում տոնախմբեց հիշատակը
իր պանծալի սրբերի այն փառանգի, որ
շատ կարևոր դեր էր խաղացել, որպեսզի
քրիստոնեական կրոնը վերջնականապես
արմատավորվի Հայաստան աշխարհում:
Անցյալ երկուշաբթի և երեքշաբթի օրերին
Ս. Հովհաննիսյանի և Ս. Գայանեի վանքերի
խնկարույր կամարների տակ տոնեցինք,
հավատացյալ հոծ բազմության ներկայու-
թյամբ, հիշատակը Հովհաննիսյանց և Գայա-
նյանց կույսերի, որոնք իրենց թանկ ու ան-
մեղ արյունը թափեցին «սիրոյն Քրիստո-
սի»: Հինգշաբթի օրը, ի հիշատակ Հովհան-
նու Կարապետի և Աթանասիոսյան եպիսկո-
պոսի, կատարեցինք տոնախմբություն Ս.
Շողակաթի վանքում:

Ըստ Ագաթանգեղոսի և Բուզանդի, Սուրբ
Գրիգոր Լուսավորիչ Խորվիրապի բան-

տից ազատվելուց հետո ապրեց միառժա-
մանակ Վաղարշապատ քաղաքում: Նալ մեծ
մասամբ քարոզչությամբ և աղոթքով էր
զբաղվում ու ամեն գիշեր քաղաքի շրջա-
կայքում հսկում ու աղոթում էր: Մի գիշեր
տեսիլքի մեջ նրա աչքերի առաջ բացվում
են երկնքի դռները, և Աստվածորդին իջնում
է Այրարատյան աշխարհ: Այդ տեսիլքի
լույսը իբրև շողակաթ երկնքի վրա մնում է
միառժամանակ իբրև աստվածային սիրո
արտահայտություն և ապա գալիս ամփոփ-
վում է այն վայրում, ուր այսօր կառուցված
է հայ ժողովրդի սրբություն սրբոցը՝ Էջ-
միածինը: Այդ լույսը դառնալու էր հոգևոր
այն կաթը, որով հայ ժողովուրդը սնվել ու
սնվում է իր ողջ պատմության ընթացքում:

Երեկ, սիրելի հավատացյալներ, մեր Ե-
կեղեցին տոնեց սուրբ Գրիգոր Լուսավորչի
Խորվիրապի բանտից ելքի հիշատակը:
Ինչպես մեր պատմիչներն են վկայում, նա
Արտաշատի այդ բանտում ավելի քան տաս-
ներեք տարի արգելափակվել էր որպես
մահապարտ: Նա զգվել էր այդ գուրբը, որ-
պեսզի թունավոր իժերն ու սողունները
վերջ տային նրա կյանքին: Աստվածային
հրաշքով, որին ոչ մի մարդկային միտք
հասու չի կարող լինել, նա երկար տարի-
ներ ապրեց այնտեղ: Ըստ սրտառույչ մի
գրավոր ավանդության, ամեն օր Աստուծո
հրեշտակը մի պառավ կնոջ կերպարանքով

սրբինք քերում էր մի ցկանակ հաց և մի փարչ ջուր, ու այդպիսով նա կարողանում էր գուրքի մեջ իր գոյությունը պահպանել:

Ս. Գրիգոր, կամոքն Աստուծո, ապրեց Խորվիրասի գրում, որպեսզի կատարվեր հրաշքների մեծագույնը մեր երկրում: Գրից, այսինքն՝ մահվան գերեզմանից նրա հարություն առնելը մեր ժողովրդի պատմության մեջ բացեց մի նոր դարագույն, մի նոր սկիզբ:

Հայոց թագավոր Տրդատ Գ-ն իր կատարած չարիքների համար պատուհասվեց, մահանվեց խոզի կերպարանքով մի վայրի գազանի և պալատը թողեց ու փախավ դեպի Երասխի ճահճուտները: Նրա քույր Խոսրովադուհուտը երկնային միջամտության մի երազ տեսավ, որով նրան հայտնվեց, թե թագավորը կարող է քժկվել միայն Խորվիրասի քանդակարարի ձեռքով, որն արդեն իսկ մոռացության էր մատնվել: Ամիջապես Օտա իշխանի զբլխավորությամբ պատգամավորներ ուղարկվեցին Արտաշատ՝ Գրիգորին փնտրելու: Բանտապետն ու պահակները երկմտեցին Գրիգորի կենդանության մասին. երբ գրի քերանից ձայն տվեցին՝ կանչելով Գրիգոր... Գրի խորքից հողդողդ ձայնը Գրիգորի պատասխանեց, թե ողջ է: Պարան իջեցրին, Գրիգորը շարժեց այն իբրև կենդանության նշան: Նրան դուրս հանեցին գրից, լվացին նրա թույլ ու ցկուն մարմինը, իշխանավայել զգեստներ գցեցին վրան և շտապ քերեցին Վաղարշապատ: Այստեղ Գրիգորը հավատով և երկյուղած աղոթքով բուժեց հայոց հիվանդ թագավորին:

Ի տես արքայի ապաքինման, նոր կրոնի հրով տոգորված արքայական ընտանիքը, ազնվականներն ու ամբողջ հայ ժողովուրդը դարձի եկան հեթանոսությունից ի քրիստոնեություն՝ մկրտությամբ:

Այսօր, սիրելի հավատացյալ եղբայրներ և քույրեր, տոնն է կաթողիկե Սուրբ Էջմիածնի, այսինքն՝ Ս. Էջմիածնում Ամենայն Հայոց Ընդհանրական Հայրապետության հիմնադրության տոնն է: Որքան սրտատույ է մեր Եկեղեցու հիմնադրության պատմությունը, և որքան հոգեզմայլ են նրա մանրամասները: Աշխարհի վրա քիչ ժողովուրդներ կան, որոնք այսքան փառավոր ավանդ ունեն իրենց Եկեղեցու հիմնադրության հետ առնչված: Մենք, իբրև քաղաքակիրթ մի ազգ, անհրաժեշտ է, որ խորապես գիտակցենք մեր անցյալի ժառանգության արժեքը, և գուրգուրանքով պահպանենք մեզ հասած ամեն մեկ դրվագն ու մանրամասնությունը մեր անցյալի պատմության:

Սուրբ Գրիգորի տեսիլքը հետևյալն է.

Նա ամեն գիշեր ուշ ժամերին դուրս էր գալիս Վաղարշապատի սահմաններից, առանձին գնում էր մոտակա դաշտերն ու հնձանները, այնտեղ երկար մտորում էր ծնրադիր, հսկում ու աղոթում: Հավանաբար այդ մտորումներն ու աղոթքները լոկ շնորհալուստյուն հայտնելու համար չէին, այն քանի համար, որ ինքն ազատվեց Խորվիրասի մահվան գրից, կամ այդ աղոթքները լոկ աղոթքներ չէին Աստուծո ուղղված՝ Հոյիսիմյանց ու Գայանյանց կույսերի անմեղ հոգիների լուսավորման և նրանց սպանիչների մեղքերի քաղության համար: Այդ աղոթքները մի այլ խնդրանք, մի այլ հայն էին բովանդակում իրենց մեջ. դա տեճն էր սրբի հոգու, որ մարմնական բոլոր տեսակի տառապանքներից և ծանրություններից թեթևացած՝ ստացել էր մի տեսակ անցյուրական բնություն իր չարչարանքների և զոհողությանց ճանապարհով: Ահա այս հոգին էր, որ ձգտում էր աստվածային տեսիլքին ու հայտնությանը, որը մեր կյանքում շատ քիչ մարդկանց է շնորհվել:

Եվ ի պատասխան իր ջերմ թախանձանքի, նա արժանանում է Աստվածորդու հայտնապես երևման՝ փառավոր տեսիլքի միջոցով:

Խոր գիշերվա խաղաղ ու լուռ պահին, երբ աշխարհն ամբողջ պարտասուն քնել էր, երբ նույնիսկ երկնքի աստղերն էին թակացել, հանկարծ բացվում են երկնքի լուսաճաճանչ դռները, լույսի հեղեղ է հորդում այնտեղից, և այդ լույսի ճաճանչների միջից հայտնվում է Աստվածորդին՝ ոսկե ուղը ձեռքին: Հրեշտակների քաղցրաձայն երգասացությամբ իջնում է նա երկնքից երկիր, նախկին հեթանոսական տաճարի վրա, որտեղ կանգնել էք դուք այս պահին: Երեք անգամ խփում է դժոխքի փականներից իր ձեռքի մուրճով՝ ավելի ամրացնելու համար և այդպիսով սրբագործում էք ի վայրը ու ասում, ո իհենց այդ վայրում կառուցեն Իր համար մի աղոթքի տուն: Որքան հոգեթով, որքան զմայելի է այս դրվագը, որքան հուսատու և տոգորող ինչպես անցյալում, նույնպես և այսօր: Ահա այս սրբազան վայրն է, որ կոչվում է Էջմիածին, իբրև իջման վայրը Աստուծո միածին Որդու:

Սիրելի հավատացյալ ժողովուրդ, հայ ժողովուրդը շուրջ հազար յոթը հարյուր տարի է, որ ավանդապահն է երկնաստոր այս տեսիլքի: Թեև առաջին դարում Քրիստոսի սրբազան առաքյալներ Թադեոսն ու Բարթողիմեոսը նոր վարդապետության սերմերն արդեն ցանել էին հայոց աշխարհում, սակայն Սուրբ Գրիգորն էր, որ իր անցյուր հավատով և իր կրած ծանր չարչարանք-

ներով կարողացավ մեր մայր հողում: Անտված քրիստոնեության այդ սերմերն աճեցին և հայոց Տրդատ արքայի դարձով այն դարձնել պետական կրոն Հայաստանում:

Իբրև քրիստոնյա ժողովուրդ, անցյալում շատ ենք հալածվել և տառապել: Սակայն, իբրև քրիստոնյաներ, մեր իմացական ու հոգևոր հատկություններով միշտ էլ փայլել ենք մեր շրջապատում: Ամեն մեկ դժվարության պահին կարողացել ենք գտնել ելքի ճանապարհներ և որպես վրեժիկ հաճախ ենք հաղթել մեր մոխիրներից: Հատկապես ներկա ամիսներին մեր ժողովուրդը հոգեկան տազնապալի վիճակ է ապրում: Մեր ժողովուրդը արդարության ծառավով սպասում է իր դարավոր իդեալների իրականացման:

Սիրելի հավատացյալ քույրեր և եղբայրներ, ամուր կանգնենք մեր նախնյաց հավատի վրա, հարատև աշխատենք վասն արդարության, աղոթենք սրտեռանդն, որ Աստված լսի մեր ձայնը, փափկացնի կարծրացած և ապար դարձած սրտերը դեկավար մարդկանց, վերացնի ազգամիջյան անիմաստ ատելությունը և մեզ բոլորիս արժանի դարձնի հասնելու ու վայելելու մեր ազնիվ նպատակների իրականացումը: Մեր հավատի հայրը՝ Ս. Գրիգոր Լուսավորիչ, կարողացավ աղոթքով Աստվածորդուն իսկ Հայաստան աշխարհ իջեցնել: Նույն ճանապարհով, հոգևոր հրալրքով ասված աղոթքով, հատկապես մեր բոլորի կողմից հա-

մոզումով կատարված աղոթքով անպայման մեր վսեմ նպատակները կայսակվեն հաջողությամբ: Չլինենք թերահավատ:

Այս առթիվ հիշում եմ Ս. Ներսես Շնորհալու հետևյալ հոգեշունչ աղոթքը. «Իմաստություն Հոր՝ Հիսուս, տուր ինձ իմաստություն՝ բարին խորհելու ու խոսելու և գործելու ամեն ժամանակ: Չար խորհուրդներից, խոսքից ու գործից փրկիր ինձ և ողորմիր քո ստեղծածներին և ինձ՝ բազում մեղքեր ունեցողիս»: Ահա այսպիսին պետք է լինի մեր խոսելու, գործելու և մտածելու կերպը:

Մեր դարավոր Մայր Աթոռ Ս. Էջմիածնի հիմնադրության հիշատակության այս օրվա առթիվ մեր սրտագին մաղթանքն է, որ նախանձախնդրությունը, հավատը և զոհողության ոգին մեր եռամեծ հայրերի, որոնք իրենց արյան գնով կարողացան դնել մեր մայր Եկեղեցու հիմքերը, գա և բնակվի մեր մեջ՝ տալով մեզ ուժ, ներշնչանք և հայրենասիրություն, որպեսզի բոլորանվեր սրբով կարողանանք ծառայել Աստուծո փառքի, Հայաստանյայց Ս. Եկեղեցու պայծառության և մեր ժողովրդի հավերժացման համար:

«Եկեք կառուցենք սուրբ խորանը լույսի, որովհետև այստեղ ծագեց մեզ լույսը Հայաստան աշխարհում»:

Թող շնորհքը, սերն ու ողորմությունը մեր Տիրոջ՝ Հիսուսի Քրիստոսի լինեն մեզ հետ այժմ և հավիտյան. ամեն:

